




九經古義參證

帝亦曰



吳縣鈕樹玉匪石撰



說文曰祕書說日月為易象陰陽也虞仲翔易注引參同

契亦云字从下月參同契曰易謂坎離又曰日月為易所謂祕書者參同之類也

樹玉案繫辭云變動不居周流六虛易之為義似取變

為長

鼎上九鼎玉鉉大吉說文曰鼎以木橫貫鼎耳而舉之周

禮廟門容大鼎七箇今作局即易玉鉉大吉也又云鉉舉

鼎也易謂之鉉禮謂之鼎案儀禮士冠禮曰設局鼎注云

今文局為鉉古文鼎為密又士昏禮注云局所以扛鼎鼎覆之是局為古文鉉許叔重以鼎當之未詳

鼎樹玉案鼎局鉉古音同故得通用許叔重以鼎局鉉為一字鄭康成以鉉鼎為二字故不同也

聖人以此洗心石經作先心虞翻曰聖人謂庖羲以著神知來故以先心諸家如京房荀爽董遇張璠范長生等皆作先心唯王肅及韓康伯作洗心非也管子云聖人先知無形尉繚子云黃

帝曰先神先鬼先稽我智皆先心之謂也

樹玉案漢書百官公卿表先馬如漳曰前驅也先或作

洗也

堯典欽明文思安安尚書考靈耀云放勳欽明文思晏晏

鄭康成注云寬容覆載謂之晏介正云晏晏温和也棟案

春秋齊景公安孺子古今人表作晏孺子是安與晏通釋

名云安晏也晏晏然和喜無動懼也

樹玉案爾雅釋言云晏晏溫溫柔也後漢書注引云晏

信溫和也

分北三苗北讀為別古文北字从二人別字重八八北

北別字相似因誤作北說文於八部曰北別也孝經說曰

上下有別又艸部曰艸古文別許君學于賈逵逵傳古文尚書必得其實虞翻曰鄭注尚書分北三苗北古別字又訓北言北猶別也若此之類誠可怪也棟謂北字似別非古別字又北與別異不得言北猶別也虞鄭皆失之

樹玉案今山左右讀北音如分別之別或古用段借通春未必虞鄭之失也

大禹謨惟影響依字當作景嚮劉向奏云神明之應應若景嚮是也

樹玉案大禹謨二十五篇書嚮俗字古只作鄉

咸有一德七世之廟可以觀德呂覽引商書曰五世之廟

可以觀怪怪字傳寫之誤禮緯稽命徵曰唐虞五廟親廟四始祖

廟一夏四廟至子孫五殷五廟至子孫六注云契為始祖湯為受命王各

立其廟與親廟四故六孝經緯鈞命決曰唐堯五廟親廟四與始祖

五禹四廟至子孫五殷五廟至子孫六周六廟至子孫七

後魏書禮志云禮緯云夏四廟至子孫五殷五廟至子孫

六周六廟至子孫七注云言至子孫則初時未備也緯書

雖不可盡據亦以見夏商無七廟之文漢書韋元成傳匡

衡告謝毀廟曰往者大臣以為在昔帝王承祖宗之休典

取象於天地天序五行人親五屬天子奉天故率其意而尊其制是以禘嘗之序靡有過五受命之君躬接于君萬世不墮繼烈以下五廟而遷上陳太祖開歲而裕自唐而下皆當以五為則呂氏在焚書之前必得其實毛詩豳風曰七月鳴鵙王肅傳云七當為五古五字如七因訛為之此經七字亦當作五

樹玉案咸有一德二十五篇書

說命釋文云說本又作克禮記皆引作克鄭氏云克當為說案周易以克為說呂覽四月紀曰凡說者克之也是克

與說通

樹玉案說命二十五篇書

秦誓晁氏曰儒言尚書秦誓作大開元間學士衛包受詔成今文尚書乃始作秦或以交秦為說真燕書哉棟案顧彪古文尚書義疏云秦者大之極也猶如天子諸侯之子曰天子天子之卿曰大宰此會中之大故稱秦誓彪字仲文隋煬帝時為祕書學士當時已改為秦非始於衛包

今楊君碑大夫人字始作秦知大與秦異文始於後漢

樹玉案秦誓二十五篇書

武成惟一月壬辰旁死魄張霸偽武成云惟一月壬辰旁
死霸說文曰霸月始生霸然也承大月二日承小月三日
从月霽聲周書曰哉生霸普伯切棟案古鐘鼎文魄字皆
作霸或省作雨公誠鼎云惟十有四月既死霸與說文合
周伯琦六書正譌云霸今俗作必駕切以為霸王字而月
霸乃用魄字非本義王霸字本作伯月魄字作霸其義始
正霽音膊雨濡革也从雨从革今薛宣古文魄作𠄎𠄎古
戟字未詳

樹玉案武成二十五篇書

君奭惟人在我後嗣子孫大弗克恭上下遏佚前人光漢
書王莽傳引云嗣事子孫大不克共上下遏佚前人光棟
案古佚字皆作失外傳周語云淫失其身管子山國軌曰
未淫失也秦詛楚文曰淫失湛亂董道訓失為佚春秋經
曰肆大青穀梁傳云肆失也失猶逸也逸與佚同謂逸囚
也公羊經齊侯使國佐如師傳云佚獲也釋文曰佚一本
作失莊子書皆以失為佚漢書地理志云漢中淫失枝柱與巴蜀同
俗杜欽傳書云或四三年言失欲之生害也小顏云失讀
曰佚王父偃傳云齊王內有淫失之行游俠傳云遂行淫

失皆作佚也

樹玉案史記橫失索隱云按韓子作橫佚

周官以公滅私說文云公嘉表也公平分也从八从山八

猶背也韓非曰蒼頡作字自營為公背公為公

君陳汲郡古文云成王十一年王命周平公治東都沈約

案周平公即君陳周公之子伯禽之弟鄭康成注坊記云

君陳蓋周公子

樹玉案周官君陳皆二十五篇書

秦誓日月逾邁若弗云來正義曰員即云也是尚書本作

員衛包改古文始从云詩出其東門云聊樂我員釋文曰

員本佗云詩正月云昏姻孔云本又作員商頌曰景員維

河鄭箋云員古文作云言古文以員為云也

樹玉案古文云作員石鼓員獵員游此一證也

碩鼠云三歲貫女魯詩貫作宦外傳國語云入宦於吳韋

昭曰宦為臣隸也

嘯堂集古錄有臣敷印其字作臣敷

樹玉案嘯堂已下有誤

十月之交云蕃維司徒古今人表蕃作皮案魯國有蕃縣

應劭曰蕃音皮是蕃有皮音故亦作皮也儀禮既夕云設

披鄭注云今文披皆為藩案披从手皮聲文見說藩與蕃同

故以披為蕃聲之轉也鄉射禮云君國中射則皮樹中注

云今文皮樹為繁豎是古皮繁同音故韓詩作繁白袞魯

國記云陳逸子游為魯相蕃子也國人為諱改曰皮白袞

晉人未識古音故有是說古

樹玉案魯國記左傳音義三引蕃作番

豔妻煽方處說文煽作煽傳云豔妻袞如美色曰豔案魯詩十

月之交云此日而食于何不臧又曰閻妻扇方處言厲王

無道內寵熾盛政化失理故致災異日為之食為不善也

中候擿雒戒曰剡者配姬以放賢山崩水潰納小人家伯

周王異載震孔穎達云剡豔古今字以剡對姬為其姓以

此知非袞如也鄭从魯詩為厲王時事是也

樹玉案漢書外戚傳袞袞閻之為郵又谷永傳昔袞好

用國宗周呂喪閻妻驕扇日呂不臧顏師古注作魯詩

漸漸之石云山川悠遠維其勞矣箋云山川者荆舒之國

所處也其道里長遠邦域又勞勞廣闊言不可卒服正義

云廣闊遼遠之字當從遼遠之遼而作勞字者以古之字

少多相假借詩又口之詠歌不專以竹帛相授音既相近

故遂用之此字義自得通故不言當作遼也案昭七年左傳云隸臣僚服虔解詁曰僚勞也共勞事也秦勞古音同故潦水亦作滂水師古注上林賦潦音牢勞勞之語見孔氏聘辭僚與遼皆從秦聲知古字通也

樹玉案周禮秋官司儀勞客曰道路悠遠客甚勞勞介則曰二三子甚勞賈疏或云是孔子聘問之詞

大明云覩天之妹傳云覩磬也說文曰覩譬諭也韓詩作磬磬譬也傳不訓為譬而云磬者蓋讀覩為磬也

樹玉案宋本毛傳本作覩譬也

清廟序周公既成洛邑朝諸侯釋文洛作維云本亦作洛字從後漢都洛陽以火德為水尅火故改為各旁佳棟案陸氏此說見魚豢典略然案朱育集字以讎為維則古有此字非始於後漢也

樹玉案逸周書亦作維國語王孫維今譌作王孫雄又六書故戴侗云漢都長安不改涇渭且國號漢从水不聞有改魚說非也

小司寇以八辟麗邦灋注云杜子春讀麗為羅元謂麗附也易曰日月麗乎天案麗者離也離猶羅也羅當作羅洪

範云不罹于咎史記引作離尚書大傳引作麗古字並通
樹玉案罹乃羅之俗體

雜氏掌殺草秋繩而芟之注云舍實曰繩釋文曰繩音孕
棟謂繩當為脤字之誤也管子五行篇脤婦不銷弃注云

脤古孕字大元馴首曰媯其膏人一月而膏媯與脤同玉
篇云脤或孕字汗簡云古文尚書以脤為孕孕讀如繩易
漸九三婦孕

不育荀爽本孕作稊稊繩聲近故漸九五云鴻漸于陵婦三歲不孕終莫之勝

樹玉案說文無脤

禮運孔子曰大道之行也與三代之英丘未之逮也而有

志馬注云志謂識古文

樹玉案顧千里云此條但摘經注之文無古義疑遺脫
也

喪大記君大夫髻爪實于綠中注云綠當為角聲之誤也
角中謂棺內四隅也

樹玉案顧云此條無古義與禮運一條同

中庸仁者人也注云人也讀如相人偶之人以人意相存
問之言案公食大夫禮云賓入三揖注云每曲揖及當碑
揖相人偶蓋賓主揖讓互相親偶親親之意亦如之也老子

道經曰如嬰兒之未孩河上公注云如小兒未能答偶人時也

表記仁者人也注云人也謂施以人恩也春秋傳曰執未
有言舍之者此其言舍之何人也正義云施人以恩謂意
相愛偶人也引春秋傳者成十六年公羊傳文傳稱欲人
愛此行父故特言舍之引之者證人是人偶相存愛之義
也

樹玉案顧云此條當合于中庸仁者人也條誤別出于
此觀此但摘經注正義文可見更無古證古義疑
公羊隱元年傳云會猶最也注云最乏為聚

樹玉案乏乃之字之誤

僖十有六年傳實石紀聞聞其碩然視之則石察之則五
楊士勛云碩字說文玉篇字林等無其字學士多讀為砢
公羊釋文云本據公羊古本並為碩字張揖讀為碩是石
或作砢八耕反聲之類不知出何書也

樹玉案碩疑聞之俗字

文十有五年傳入郟不書此何以書動我也其實我動焉
爾注云動懼我也案動為拜非懼也
樹玉案動我之動猶孟子不動心之動注訓懼是似不

必拘定為拜

論語詠而歸歸鄭本作饋云饋酒食也魯讀饋為歸今从

古王充曰詠而饋詠歌饋祭也何晏从魯論作歸故不載

孔注

史記仲尼弟子傳云咏而歸徐廣曰一作饋太史公采古文論語故作饋

樹玉案顧千里云論衡明雩云魯設雩祭于沂水之上

冠者童子雩祭樂人也浴乎沂涉沂水也象龍之羽水

中出也風乎舞雩風歌也詠而饋詠歌饋祭也孔子曰

吾與點也善點之言欲以雩祭調和陰陽故與之也圻

謂此鄭義也

鈕匪石先生樹玉邑之莫釐山人也从嘉定錢竹汀宮詹

遊專精許學不事舉業時段懋堂先生說文解字注初行

海內爭先快睹而先生獨摘其訛繆成段氏說文注訂八

卷又著說文新坵攷並有援据無穿鑿傳會之失錢宮詹

阮文達公序而行之其生平精力尤萃於說文攷異一書

江鄭堂漢學師承記云說文校錄似即此書

尚未刊行此乃其讀九經古義隨

筆記列上方之語雖寥寥數葉然亦足見先生之一斑故

錄為一種名曰九經古義參證云同里後學潘錫爵跋

必物是為...

...蘇氏曰...古者...

...蘇氏曰...古者...

...蘇氏曰...古者...

...蘇氏曰...古者...

...蘇氏曰...古者...

...蘇氏曰...古者...

...蘇氏曰...古者...

...蘇氏曰...古者...



左傳補注卷第七之四頁象辭

象誤家第十行

紫霞主人

六頁第八行十四歲

歲誤年

廿六頁第十行若于毋書

書誤青

左傳地名補注卷第一之廿一頁第十行元和志華亭

亭誤京極六年

卷第八之三頁第一行開州東

東誤界 庚申五年

張易字義末頁上一頁原奉出天然智朋末天然上智字旁有一小

點疑疾字之誤非衍字也

年長



